


三十國春秋輯本







本輯秋春國十三

輯 球 湯

編主五雲王

編初成集書叢

本輯秋春國十三

中華民國二十五年六月初版

輯者 湯 球

發行人 王 雲 五  
上海河南路

印刷所 商 務 印 書 館  
上海河南路

發行所 商 務 印 書 館  
上海及各埠

壽



# 目錄

蕭方等三十國春秋

武敏之三十國春秋

常璩蜀李書

田融趙書

王度二石傳

車頻秦書

裴景仁秦記

張諮涼記

段龜龍涼記

張詮南燕書

和苞漢趙記

吳篤趙書

范亨燕書

王景暉南燕書

姚和都後秦記

喻歸西河記

劉昉燉煌實錄

高閭燕志

# 三十國春秋輯本

## 蕭方等三十國春秋

清黟縣湯 球輯

魏嘉平元年。魏帝謁陵。曹爽及弟羲、訓、彥皆從。高祖命授兵。召公卿於廟堂。奏皇太后廢爽。丁酉。斬爽、羲、訓、彥。夷三族。御覽六百四十七。

文帝器重魏舒。而舒不爲人知。晉吏部郎魏衡謂姪舒曰。汝後得爲小縣長。舒曰。堪爲八百戶長。將老嫂入官舍。卽斯願畢矣。御覽五百十七。

鍾會薦於文帝曰。裴楷清通。裴楷常建爲別宅。宅甚美麗。楷兄欲之。楷別讓之。其性有大度。皆斯類也。御覽五百十六。

泰始四年。策免石苞官。通鑑攷異晉紀

五年二月。以羊祜都督荊州。鎮襄陽。時祜有平吳之志。方樹基址。擢王濬爲巴郡太守。將委以巴峽之任。祜兄子暫謂祜曰。觀濬爲人。志大者侈。不可專任。祜曰。有大才必可用也。識者曰。祜可謂能舉善矣。知人則哲。叔子之謂乎。御覽五百十二。

晉泰始五年夏四月地震大疫上命醫以馴馬小車馳救療書鈔醫類

泰始七年吳建衡三年吳孟仁卒吳司徒孟宗少從南陽李肅學母爲作厚褥大被或問故曰小兒無

德可容而學者多貧故爲廣被可得氣類相接也御覽五百十一

泰始八年二月武紀在七年七月以賈充爲都督秦涼二州事通鑑攷異晉紀

八年十一月賈充與朝士宴飲庾純醉與充爭言詔免純官通鑑攷異晉紀

八年衛瓘以太子昏愚不堪爲嗣欲啓而未敢同上

咸寧元年吳天册元年孫皓納張布女有寵而死厚葬之民有訛言遂誅奚熙并殺章安侯奪同上

四年吳天紀二年吳收張尙岑昏等泥頭請代尙死尙得免死徙廣州同上

四年羊祜卒羊祜年十五而孤事伯母蔡氏以孝聞蔡氏每歎曰羊叔子可謂能養今顏叔子也其諸

葛孔明之亞乎御覽五百十三

五年十一月晉大舉伐吳吳王皓聞師之將興也乃使劉恪守牛渚使張悌造攻車於戲場御覽三百三十六

太康元年杜預與衆軍會議或曰百年之寇未可盡克方春水生難於久駐杜預傳作今向暑水潦方降

疾疫將起宜俟來冬更爲大舉通鑑攷異晉紀

元年四月甲子王渾斬張悌丙寅吳殺岑昏與何楨書庚午送降書壬申濬入石頭甲申封歸命侯五月

丁亥。至洛陽。通鑑攷異  
晉紀二

王濟嘗與武帝基。濟伸腳在局下。因問皓曰。聞君生剝人面皮。何也。皓曰。見人臣無禮於其君者。則剝之。

武帝大慙。遂縮腳。御覽三百  
七十二

元康元年。楚王瑋。矯詔召三十六軍。太康之初。吳寇新殄。未盈一紀。干戈已尋。蟻蝨生於甲冑。燕雀處

於帷幄。御覽三百  
五十五

元康四年七月。傅咸爲司隸。五年五月。始親職。十月。卒。通鑑攷異  
晉紀四  
晉書本傳作四年卒

元康五年。閏月。依通鑑攷異  
補晉武庫失火。漢高祖斬蛇劍穿屋而飛。此三十國史乃刊爲正言。

元康八年。李特就穀入蜀。通鑑攷異  
晉紀

晉永康元年正月。大會。有鳩入御坐武帳中。拂司空張華之冠。初學記  
二十六

永康元年。中台星拆。張華子隲。勸華遜位。不從。張華善天文。解望氣。元康初。嘗與鄱陽雷孔章。共夜登

樓。而見一氣起牛斗閒。華謂孔章曰。此何氣也。對曰。其寶劍乎。初學記  
二十四

永康元年。孫秀議加趙王倫九錫。劉頌曰。昔漢之錫魏。魏之錫晉。皆一時之用。非可通行。周勃霍光。其功

至大。不聞有九錫之命。倫黨大怒。謀害頌。頌懼。自殺。通鑑攷異  
晉紀五

二年。倫將篡位。義陽王威。執詔示嵇紹曰。聖上法堯舜之舉。卿其然乎。紹厲聲曰。有死而已。終不有二威

怒拔劍而出。及惠帝遷於金墉城。唯紹固志不渝。從直於金墉。絕不通倫。時人皆爲之懼。通鑑攷異晉紀

齊王問謀討趙王倫。未發。會離狐王盛、潁川處穆聚衆於濁澤。百姓從之。日以萬數。倫以其將管襲爲齊

王軍司。討盛、穆。斬之。問因收襲殺之。通鑑攷異晉紀六

永寧元年。即永康二年也。正月。張軌出爲涼州刺史。以陰澹等爲謀主。索統善占夢。澹從求占書。令狐策夢立

冰上。與冰下人語。索統曰。冰上爲陽。冰下爲陰。冰上人與冰下人語。爲陽請陰。媒介事也。士如歸妻。迨冰

未泮。君其爲人作媒乎。策曰。老夫耄矣。不爲媒矣。旣而太守田約。因策爲子求張氏女。恰至仲春而成婚。

白帖案。此引作崔鴻三十國春秋。

永寧元年。齊王問輔政。辟劉殷爲祭酒。劉殷字長盛。七歲喪其父。哀毀逾禮。曾祖母王氏。盛冬思堇。殷

入澤中慟哭。有堇生。得斛餘。御覽九百八十七

永寧元年。王蕤。王輿謀廢問。事覺。八月。詔廢蕤爲庶人。誅輿三族。徙蕤於上庸。殺之。通鑑攷異晉紀

太安二年正月。李特僭位改年。通鑑攷異晉紀七

二年十月。成都王穎。禦長沙王。又於建春門。陸機敗。遁走。穎誅機及弟雲。夷三族。機。吳人。而在寵族之

上。人多惡之。成都王嬖人孟玖。素不快於雲及機。建春門之敗。機衆多喪。牽秀譖之於穎。言機持兩端。孟

玖復構之於內。使牽秀斬機。初。機之專征。請孫承爲後軍司馬。至是。收承下獄。考捶數百。兩踝骨見。終言



機冤吏知承義烈。謂承曰：二陸之痛，誰不知枉？君何不愛身，承仰天嘆曰：陸君兄弟，世之奇士，有願於吾，吾危不能濟，死復相誣，非吾徒也。乃夷三族，承門人費慈，自詣穎，明承之冤，承喻之曰：吾惟不負二陸，死自吾分，卿何爲爾耶？慈曰：僕又安可負君而求生乎？固明承冤，欽又疾之，亦并見害。御覽四百二十

二年十二月，殺長沙王乂。通鑑攷異 晉紀七

永興元年，成都王穎誅黃門孟玖，於是東海王越、高密王簡。疑卽皆懼，奔國。瑯琊王睿又將出焉，而徵禁

甚密，穎又先下諸津，禁止諸貴人。王至河陽，乃見拘焉。宋典後至，以鞭拂之，曰：舍長官，禁貴人，而爾見止

原作之。耶因大笑之。吏乃放遣，因得奔國。御覽三百五十九

永興元年十月，李雄自稱成都王，劉淵自稱漢王。通鑑攷異 晉紀

永興二年六月，李雄卽帝位，改元大武。通鑑攷異 晉紀八

光熙元年，東海王越殺河間王顥。同上

### 懷帝

永嘉四年，漢劉聰光興元年，氐蒲洪自稱略陽公，前秦蒲洪父懷歸爲部落小帥，其母姜氏因寢產洪，驚

悸而寤。御覽三百六十一

永嘉五年，蜀王李雄攻譙，登於涪城，無救援，登固守不下，士卒皆燠鼠食之，一無叛者。御覽三百二十

永嘉五年成玉衡元年漢嘉平元年漢陷洛陽遷帝於平陽聰以帝為平阿公明年二月乃封帝會稽

公通鑑攷異  
晉紀九

永嘉六年劉聰引上入譙謂上曰卿為豫章王時朕與王武子相造卿贈朕以柘弓銀硯卿憶否上原上字

作聰曰安敢忘之且恨爾日不得早識龍顏初學記二十一

王敦謀害王澄而澄衆有二十人持鐵馬鞭為衛同上十二

漢趙置殷衛等州前趙殷州刺史杜廣初為劉景廐卒以馬肥良引為直士侍立通夜未曾休倦景因

問之廣流涕申款有章條景執其手曰吾罪人也久負賢者謂妻曰為女求夫不覺廐中有麒麟於是妻

之御覽五  
百十九

### 愍帝

愍帝名子業或作業通鑑攷異  
晉紀九

建興二年三月癸酉石勒取幽州壬午勒晨至薊通鑑攷異  
晉紀十一

建興四年漢麟嘉元年丙寅丞相睿斬都運令史滔于伯於建康於是以刀拭柱血逆流至二丈三尺下

四尺五寸其直如絃御覽四百  
四十六

建興四年漢劉聰子約卒漢大將軍東平王約漢王聰戲之曰汝誦何書味何句也約曰臣誦孝經每

咏身體髮膚受之父母不敢毀傷至於在上不驕高而不危未嘗不反覆誦之聰大悅御覽六

### 元帝

建武元年涼遣韓璞伐漢初永嘉中童謠云秦川中血沒腕唯有涼州倚觀郭茂倩樂府八十八

李矩降劉陽而襲擊之劉陽少驍猛甚有勇力手曳牛尾卻行百步御覽四百三十六

大興元年漢劉曜光初元年漢主聰卒子粲立靳準弑之復殺王延王延九歲喪母行孝有聞後母卜

氏御之無道延事彌謹卜常取蒲藿敗麻與之貯衣延知而不言卜冬月杖之流血令求生魚延扣冰慟

哭而得與之卜乃心悟撫之如所生也御覽五百十一

大興元年蒲洪降劉曜通鑑攷異晉紀十三

大興三年涼張茂永元元年後趙石勒二年石勒遣石良率精騎五千掩李矩營生執矩外甥郭誦之

弟元教元作書與誦說云去年東平曹嶷西賓猗盧矩如牛角何不歸命勒與誦書餉塵尾馬鞭說賓禮

賢弟相同斷金往物爲信矩所領將士並欲歸勒矩知衆之去已乃率衆來歸御覽三百五十九

大興四年王敦令郭璞筮卦曰明公起事禍必不久敦怒曰卿壽幾何曰命盡日中引出斬之璞曰當

何之曰南山之首曰我知之矣必在雙柏之間乎時有鵲巢而甚茂同上九百五十四

永昌元年五月王敦殺甘卓甘卓將被誅引鏡不見其頭御覽七百十七

明帝

太寧元年。陳安奔隴城。前趙將劉賁馳將追之。石虎止賁曰。窮寇歸兵。不可迫也。我士卒連勝。皆已怠矣。以驕急之卒。當致死之衆。恐無萬全之利。賁曰。不然。彼銳氣盡矣。衆心乖阻。人懷苟免。莫有鬪志。我卒乘猛氣甚盛。皆一當十。豈其衰沮之餘。所能抗也。賁躬先士卒。戰輒敗之。遂圍安於隴城。御覽二百九十九

成帝

晉咸和二年。溫嶠與陶侃起義兵伐蘇峻。帥師四萬。直指石頭。侃泊加子洲。御覽六十九

三年。峻兵犯闕。蘇峻作逆。領軍卞壺以王師敗績。遂單騎赴難。二子眇盱隨之。俱歿。母裴氏撫屍而哭曰。父爲忠臣。子爲孝子。夫何恨乎。徵士翟湯聞之。歎曰。父死於前。子歿於後。忠孝之道。萃於一門。可謂賢矣。御覽五十一

溫嶠等入討峻。遷帝於石頭。殷羨之勸趨石頭。光祿勳殷羨之還豫章。貴游多憑寄書。羨之至板橋。投

書於江曰。沉者自沉。浮者自浮。殷洪喬不能作致書郵。初學記六

咸和五年。趙建平元年。江州刺史劉楨自武昌。以有疾。被徵爲右將軍。而王舒未至。猶在盆口。後將軍

郭默旋而過。楨不禮之。臘曰。遺默酒五升。猶一頭。默大怒。投之於江。遂與故將張丑。宋侯孟純等。矯詔入

城門。莫有禦者。楨獨與其妾寢。默至。斬於牀下。及其司馬張滿。參軍荀楷。李纂。傲默故也。御覽三十三

咸和九年。以庾亮都督江荆等州。王隱始成晉書。合八十八卷。家貧無紙。未成其志。遂南遊。投陶侃於荆州。又江州投庾亮。乃獲其紙墨。始書就焉。初學記二十一

咸和九年。石虎卽位。改元永熙。通鑑攷異。晉紀十七。

咸康三年。石虎僭稱趙天王。趙成公段。作庭燎於杠末。上盤置燎。下盤置人。咸康三年。正月。趙夔安等上尊號。庭燎油灌下盤。死者二十餘人。載記作七十。通鑑攷異。晉紀十七。

### 康帝

### 穆帝

永和元年。趙造獵車千乘。石季龍將獵。輒冠金鍔之帽。御覽六百八十七。

永和二年。李漢嘉寧元年。涼張重華永樂元年。九月。燕殺慕容翰。通鑑攷異。晉紀十九。

永和三年。趙將麻秋。命黑槩龍騰三千人。馳擊謝艾軍。艾左右擾動。李偉勸艾乘馬。艾不從。乃下踞胡牀而麾衆。趙人以爲有伏。懼而不進。御覽四百三十六。

永和五年。趙以謫卒高力等戍涼州。定陽人梁犢。因民心怨趙也。謀兵東還。犢自稱大將軍。率衆攻下辦。剋之。犢軍人等。高力皆多力善射。一當十餘。雖無甲兵。所在略百姓大斧。施一丈柯。攻戰若神。擬向崩潰。



御覽二百九十九

永和六年魏冉閔永興元年閏正月通鑑攷異晉紀二十

三月趙新興王祗即皇帝位同上

永和八年燕慕容儁元璽元秦主苻健皇始二年並稱帝姚襄來歸姚襄南至滎陽與高昌李歷戰於

麻田馬中流矢死弟萇下馬授襄曰汝何以自免萇曰但令兄濟此豎子何敢害萇會救至俱不死御覽

二百五十五

姚萇單騎度淮見豫州刺史謝尚於壽陽幅巾以待之一面如舊相識御覽四

永和十年涼張祚和平元年偽前梁當作張重華張瑛當作張瑛在梁州欲誅西河張祚祚廐馬數十匹同時皆

無尾未幾祚遇禍李兗獨異志下

升平四年燕主暉建熙元年朝廷聞慕容儁死曰中原可圖矣桓溫曰慕容恪在其憂方大史通

哀帝

帝奕海西公

太和六年十一月被廢桓溫使劉享後為書收帝璽綬通鑑攷異晉紀二十五

簡文帝

孝武帝

太元元年涼亡。涼天水太守史稜暴疾死。五日而蘇。云見涼光殿皆生白瓜。及秦使梁熙滅涼。小字白瓜也。事類賦注二十七。

太元二年秦平諸國後。示人以侈。置左右鎮郎及拂蓋郎。申香爲拂蓋郎。長一丈九尺。初學記十九。

秦王苻堅懸珠簾於正殿。以朝羣臣。宮宇服御物極珍飾之奇。尙書金部郎裴元略諫曰。願陛下遵采椽之不斲。鄙瓊室而不居。堅笑曰。非卿之忠。朕何由聞過乎。御覽四百五十六。

太元四年秦以苻洛爲益州牧。苻洛雄勇多力。猛氣絕人。坐制奔牛。射洞犂耳。苻堅深憚之。故常爲邊守。御覽四百三十六。

太元八年秦大舉入寇。秦王堅下書曰。吳人敢恃江山。僭稱大號。輕率犬羊。屢窺王境。朕將巡狩省方。登會稽而朝諸侯。復禹績而定九州。今王師所擬。必有征無戰。伐國存君。義同一體。御覽三百二十二。

太元九年燕慕容垂元年。後秦姚萇白雀元年。慕容垂攻鄴。苻丕遣其從弟就御覽引作龍恐誤請救。乃遣謝玄青銅鏡黃金婉轉繩等。以之爲信。初學記二十五。御覽七百十七。

太元十七年。以殷仲堪爲荊州刺史。晉黃門郎殷仲堪遊於江濱。見流棺於水。乃接焉。旬日之中。前門之溝。忽起爲岸。是夕有人通夢於仲堪。自稱徐伯。感君之惠。無以報。仲堪因問門岸爲何祥乎。對曰。水中之岸。其名爲洲。君將爲洲也。言終而沒。御覽五百五十一

太元二十一年。燕慕容寶永康元年。魏皇始元年。涼呂光龍飛元年。後燕慕容垂遣其子寶。步騎七萬。伐後魏。戰於參合陂。大敗。寶以數千騎奔免。士衆還者十一二。寶恨參合之敗。屢言魏有可乘之機。由是自率大衆伐魏。至參合。見往年戰處。積骸如山。設弔祭之禮。死者父兄。一時號哭。軍中皆慟。垂慙憤嘔血。因而寢疾。卻還道卒。御覽三百二十三

安帝

隆安元年。南涼禿髮烏孤。太初元年。北涼段業神璽元年。烏孤稱西平王。後涼禿髮烏孤。七世祖壽闡之在孕也。母夢一老父。被髮左衽。乘白馬。謂曰。爾夫雖西移。終當東歸。至京必生貴男。長爲人主。言終。胎動而寤。後因寢生壽闡。被中。鮮卑謂被爲禿髮因以禿髮爲號。壽闡爲名。御覽三百六十一

涼沮渠蒙遜。據金山。沮渠蒙遜。其先世爲匈奴左沮渠。因以官爲氏。少牧羊。臥息田畔。忽見沙門以手摩其頭。曰。爾後當王此土。不久苦焉。言終而滅。同上八百三十六

隆安二年。燕慕容盛建平元。魏天興元年。慕容德元。燕蘭汗弒寶。盛子太原王奇。起兵於外。

燕金紫光祿大夫高平公歆。初歆伯父左光祿大夫熙。拊歆首而告之曰。汝儀容偉茂。志節果當。有佐命之功。顯吾門者必汝也。御覽五  
百十二

隆安三年。燕長樂元年。秦弘始元年。涼呂纂咸寧元年。南燕慕容德傳檄青州。燕徵其東萊太守王鸞。鸞身長九尺。腰帶十圍。貫甲跨馬。不據鞍由鐙。燕王德見而奇其魁偉。賜之食。一進一斛餘。德驚曰。所噉如此。非耕而能飽。但才貌不凡。堪爲貴人。可以一縣試之。繇是拜逢陵長。甚有治績。御覽三百  
七十七

隆安四年。南燕建平。南涼禿髮利鹿建和元年。西涼李暠庚子元年。涼州人胡安據盜發掠州人張駿墓。見駿貌如生。得赤玉簫。紫玉笛。初學記  
十六

涼州胡安據盜發張駿墓。得珊瑚馬鞭。馬瑙鍾。黃金勒。御覽三百  
五十八

十一月。北涼李暠自稱涼公。燉煌太守李暠表于段業。暠稱盡忠不貳。橫爲李嗣所讒。請業殺嗣。暠自歸司敗。業乃殺嗣。遣使謝暠。初嗣與暠結刎頸之交。嗣常以宗族託暠。曰。我身猶子身。勿爲疑也。及是暠反爲嗣所構。暠乃恨之。御覽四  
百八

隆安五年。燕慕容熙光始元年。涼呂隆神鼎元年。北涼沮渠蒙遜永安元年。後梁當作涼呂超殺其君纂。后楊氏國色。超將妻之。謂其父恆曰。后若自殺。禍必及宗。恆以此言告后。后曰。大人本賣女與氏羌。以圖富貴。一之以甚。其可再乎。恆不能彊。乃自殺。御覽三  
百八十

李嵩於南門外臨水起堂名曰靖恭堂以議朝政閱武事堂成圖讚自古明王忠臣孝子貞女嵩自爲序以明鑒戒文武羣僚亦皆圖焉是月白雀翔於靖恭堂嵩頌之御覽百七十六案此引作三十國春秋四涼傳

元興三年魏天賜元年劉裕等起兵討桓玄誅之帝復位王謐與衆議推劉裕領揚州裕辭乃以謐爲侍中領揚州初裕名位

微薄盛流不知謐獨奇之裕嘗與刁達携蒲輸直達縛之馬柳謐代還之由是德謐蕭方等曰夫蛟龍潛伏魚蝦襲之是以漢高赦雍齒魏武免梁鵠安可以布衣之嫌而成萬乘之隙哉今王謐爲公刁達亡族醜恩報怨何其狹哉通鑑攷異晉紀三十五

義熙元年南燕慕容超太上元西涼建初元年盧循爲廣州刺史循遣劉裕益智粽裕乃答以續命湯御覽九百七十二引作十三國春秋

類聚八十七引作三十六國春秋

高句驪以千里馬生熊皮障泥獻於南燕燕王超大悅答以水牛能言鳥御覽三百五十九

義熙三年燕高雲正始元年夏赫連勃勃龍升元年燕王熙后苻氏卒徒跣送葬馮跋拒而弑之立雲燕

王慕容熙后苻氏嘗季夏思凍魚膾仲冬須生地黃皆下有司切責之不得加以辟焉御覽二十一

義熙五年魏拓跋嗣永興元年燕馮跋太平元年西秦更始元年劉裕攻南燕得燕人張綱治攻具旣

成設飛橋懸梯被以牛皮火石不能害攻城之士得肆力焉御覽三百三十六

義熙六年丁亥中軍劉裕悉衆攻燕衆咸諫曰今往亡日兵家所忌裕曰我往彼亡吉孰大焉乃命悉登



遂剋之。燕王慕容超走，追獲焉。裕責以不降之罪，超神色自若，無餘言，唯以母託劉敬宣而已。蕭方等曰：美哉其言也。言必己親，終不忘孝，可謂人之將死，其言也善。信乎。御覽三百二十六

徐道覆聞劉裕北伐，勸盧循襲建康。盧循寇京邑，芙蓉艦千餘艘。初學記二十五

朝廷急徵裕，裕引兵還。劉裕次山陽，聞何無忌敗績，卷甲兼行，將濟江而風急，衆咸難之。裕曰：若有天

命，風當自息。如其天不助，舟覆溺，何足可怪。卽命登舟，舟移而風止。御覽六十

義熙七年，以劉裕爲太尉、中書監。裕旣拜，朝賢畢至，僕射謝混後來，衣冠傾縱，頗有傲慢之容。裕甚不平，

乃謂之曰：何謂旁若無人？混對曰：明公將隆伊周之化，方使四海解衿，謝混何人而敢獨異乎？乃易手板，

披撥其衿領，悉皆解散。裕大悅。御覽四百六十四

義熙八年，西秦乞伏熾警永康元年，北涼玄始元年。劉毅爲荊州，請從弟藩以自副。劉裕以詔書罪狀

毅與藩及謝混共謀不軌，賜藩混死。帥師襲荊州，殺毅。安帝時，以劉鎮之爲散騎常侍、光祿大夫，不受。鎮

之，毅季父。義熙初，謂毅及藩曰：汝輩才力勢運，足以得志，當身爭耳。我不就汝求位求財，又不受汝罪累，

每見毅等道從吏卒到門，輒罵詬之。毅甚敬畏，每未至宅數百步止，與白衣數人而進，儀衛悉不自隨。及

至，毅敗，無不服其先見。而劉裕甚敬遇之。御覽五百十二

晉義熙九年，夏鳳翔元年，盜發故驃騎將軍卞壺墓，剖棺掠之，壺尸面如生，兩手悉拳，爪生達背。御覽五百五十五

七。

義熙十一年二月姚興卒。通鑑攷異晉紀三十九

義熙十三年西涼李歆嘉興元年秋七月太尉裕克秦入長安王鎮惡隨宋高祖入關中初鎮惡流寓嶠

澗嶠澗人李方厚待之鎮惡曰待吾侖英雄主取萬戶侯乃厚相報方笑曰本縣足矣鎮惡力不絕人不

閑弓馬略通諸子兵書縱橫有智計以此成名及是李方尙在鎮惡昇堂拜母拔方澗池令。御覽四

晉安帝時郭逸妻以大竹杖打逸前妻之子子死妻因棄市如常刑。御覽五百十一

恭帝

元熙元年夏王勃勃自號真興元年夏刻石都南頌其功德曰我皇誕命世之期應天縱之德。德載記仰

協時來俯從民望。載記作俯順時望屬姦豪鼎峙之際羣凶岳立之秋。載記姦豪作姦雄故連籌命將舉無遺策。

親御六戎卽有征無戰五稔之間而治風宏闡矣。御覽三百二十二

元熙二年西秦乞伏熾盤建弘元年西涼李恂永建元年西涼從事中郎將張顯。一作顯言於涼王曰太祖

以天挺神姿應桓文之運流澗萬里爲西夏所推平西域兵不血刃取酒泉有易俯拾爲殿下開創崇規

貽厥孫謀者也。御覽三百二十二

# 武敏之三十國春秋

宋文帝元嘉十三年。殺檀道濟及其參軍高進之與薛彤。高進之。沛國人。父瓚。有拳勇。嘗送友人之喪。喪反。友妻爲土宦所掠。瓚掇之。殺七人。而友妻亦刎頸死。遂亡命江湖。進之生十三年。母劉死。葬畢。走四方。求父不得。乃謁征北將軍劉牢之。牢之高會。進之入幕。推上客而踞其坐。大飲嚼。一坐大驚。牢之揖客。問所長。進之曰。善以計數中密事。牢之問部下甲兵芻糧。進之布指算不爽。乃辟行軍司馬。居五日。進之曰。劉公猜而不忍。怨而好叛。不去。必及禍。遂去之。與下沛薛彤爲友。因薛交檀道濟。三人者志義相合。刑牲盟生死。從道濟征桓玄。得首將王雅。敗桓兵於奔牛塘。又殺路雍岐。得天子旌節。與桓所乘舟。事平。以功讓道濟。及圍廣固。進之作攻具甚精巧。事平。授廣固相。徐羨之。傅亮等謀廢立。招道濟。道濟謀於進之。進之曰。公欲爲霍光乎。爲曹操乎。爲霍則廢。爲曹則否。道濟驚問。進之曰。公欲輔宋。則少帝不廢。琅邪王不立。天下非宋有也。故必廢。如欲自取。則長亂階。逢愚君。修德布惠。招羅腹心。天子非公而誰。故必不廢。進之此時案腰閒刀。伺道濟有異言。則殺之。道濟趨下階。叩頭曰。武皇帝在上。臣道濟如有異心。速殛之。乃與進之定議。不爲戎首。亦不相阻也。及謝晦反。兵銳。道濟憂之。進之詐道濟書致晦。與之連。晦喜。不設備。悉精銳蔽江下。進之遂閒道入江陵。揚言曰。檀江州率重兵。敗謝晦於江中。斬其首以徇。故晦黨聞之。

解體部下閉門拒之。事平爲司空參軍。後到彥之伐魏。知其名。乞與同行。進之告僕曰。到公必敗。吾言則惑軍。否則及難。遂請護糧。乃免。道濟晚年懼禍。其夫人劉遣婢問進之。進之曰。道家戒盈滿。禍或不免。然司空功名蓋世。如死得所。亦不相負。夫人泣語道濟。道濟意狐疑。亡何。被收。道濟目光如炬。脫幘投地。曰。壞汝萬里長城。辭彤曰。身經百戰。死非意外事。進之掀髯笑曰。累世農夫。父以義死。友以忠死。君此大宋之光。坐地就刑。神色不變。進之無眷屬。僕魯健從進之死。故无收其尸者。辭彤下沛人。死後其子負骨歸葬。求進之骨不得。以其帶同父棺葬焉。

見高氏家譜。案。蕭方等三十國春秋。隋志云。起漢建女。訖晉元。宋中興書目云。起宣帝。迄恭帝。皆不云及宋時事。則此爲

武敏之之書無疑。故姑錄出以俟攷。

# 常璩蜀李書

武皇帝諱雄。字仲儁。始祖第三子。身長八尺三寸。美容貌。相工相之曰。此君將貴。其相有四。目如重雲。鼻如龜龍。按白帖引常璩蜀志曰。李雄美容貌。相工相之曰。此口如方器。耳如相望。法爲貴人。位必過三公。人鼻如飛龍。蜀志疑卽蜀李書。卽龜字似當作飛。不疑也。帝每周旋鄉里。有識者皆器量之。有劉化者。道術士也。太康中。每語鄉里曰。李仲儁有大貴之表。終爲人主也。御覽三百六十六。又三百六十六。

武帝諱雄。始祖第三子。始祖后方娠。夢雙蛇自門升天。一蛇中斷。及生。后常言子若成人。必有先亡者。有

大貴者。後果李蕩早卒。李雄王蜀。同上三百九十八。

武皇帝雄泰武三年。白鳥赤足來翔。帝以問范賢。賢曰。烏有反哺之義。必有遠人懷惠而來。果關中流民

請降。類聚九十二。按此引作蜀李雄書。

蜀才姓范。名長生。一名賢。隱居青城山。自號蜀才。李雄以爲丞相。釋文序注解傳述人注。按顏氏家訓書證篇引李蜀書。一名漢之書。云姓范。

名長生。自號蜀才。

賈夷字景叔。梓潼人也。太始初。內移河東。少仕晉臺。爲倉部令史。懷帝時。爲安富令。中原喪亂。玉衡七年

歸國。武帝素聞夷名。重之。皇子雅生。因名賈夷。御覽三百六十二。



武帝諸將進金銀。或以得官者。楊褒諫曰。陛下爲天下主。何得以官賣金耶。帝謝之。御覽三十一。

哀帝卽位。有白氣二道帶天。望氣者言宮中有伏兵。果爲邛都公所害也。御覽八百七十七。

# 和苞漢趙記

劉聰嘉平三年。廷尉陳元達極諫。聰怒。將斬之。聰時幸逍遙園李中堂。元達抱堂下樹叫曰。臣所言者。社稷之計。聰勉聽之。於是易李堂爲愧賢堂。初學記二十四。御覽百七十六。

魯陽侯王廣字廣之。爲西揚州刺史。晉末。聚衆避世。爲蠻梅芳扇動山夷圍廣。城陷。蠻囚廣。將詣芳。廣女有美色。芳引入。甚有寵。入經一旬。王伺芳睡。引刀斬芳。芳驚起曰。何故反耶。王罵曰。蠻畜。我欲誅反賊等。何謂我反乎。吾聞父仇不同天。母仇不同地。汝叛逆無狀。害人父母。而復無禮凌人。吾所以不死者。欲誅汝耳。今死自吾分。不待汝殺我。但恨不得梟汝首於通達。以塞大恥。辭氣猛厲。色無變容。乃自殺。時年十

五。御覽四十四。

今上也。殺晉散騎常侍梁緯。召妻辛氏。伏地大哭。仰白。今上曰。妾聞女不再醮。男以義烈。聞妾夫已死。理

無獨生。乞就辟有司。地下以事舅姑。且婦人再娉。明公亦安用哉。遂號哭不止。上曰。貞婦也。其任之。亦自殺。御覽四十四。

劉聰麟嘉三年。太子粲討趙同郭默於洛陽。默使耿稚等夜北渡河。襲太子營。飛梯騰柵而入。太子勒兵於東北穿柵而去。御覽三百三十六。

今上光初二年石勒召幽冀之衆十餘萬人造攻車飛梯攻平陽小城今上遣騎萬五千曳柴揚塵噎於山谷尋汾州向平陽內外擊之勒師潰御覽三百三十六

光初六年今上討陳安於隴城城內得安死陳安奮刀左右俱發隴上語曰隴上壯士有陳安丈八蛇矛

左右槃御覽四百九十六

劉淵徙治平陽於汾水中得白玉璽廣四寸高二分一作得白玉高四寸二分龍紐文曰有新保之事類賦注九按以

下皆引作趙書疑亦和苞之書蓋田融趙書皆記石事所以一曰二石集記不言及漢趙故姑附於漢趙記之後以俟攷

趙染襲長安秦王業奔射鴈樓格戰至天明不拔御覽百七十六

劉曜於龍門河水中得一玉璽文云剋壽永昌曜以爲天錫神璽齋九日而受之書鈔百三十一御覽六百八十二

劉曜討陳安於隴城下小將劉牙趙牢路松多堅戍不下城內得二字一作陷安死乃謠曰隴上健兒曰陳安

軀幹雖小腹中寬愛養將士同心肝駮驄駿馬鐵鏤一作戲鞍七尺大刀配齊銀丈八蛇矛左右盤十盪十

決無當前百騎俱出如雲浮追者千一作十萬騎悠悠一作修戰始三交失蛇矛十騎俱蕩九騎留棄我駮驄

攀巖悲天大降雨追者休阿呵呼嗚呼奈子乎嗚呼阿呵奈子何御覽三百五十三又四百六十五

田融趙書

石勒與汲桑往來。汲桑清河具邱人。年二十餘。力扛百鈞。呼聞數里。時人服之。御覽三百八十六

汲桑自號大將軍。以勒為前驅。攻鄴。入之。南擊兗州。為荀晞所敗。桑走死。汲桑六月盛暑。而垂重裘。累茵。

使十餘人扇之。扇者悉罷。桑恚。一作患不得清涼。斬扇者。時軍中為之謠曰。奴為將軍。何可羞。六月重茵被。

狐一作豹裘。不識寒暑。斷人一作斬他頭。類聚十九。書鈔百二。御覽二十一。

石勒與劉零等攻魏郡。劉零陽平人。年二十餘。常廝役於縣。力制奔牛。走及馳馬。御覽三百八十六

石勒屯葛陂。值天雨不息。勒長史刁應載記勸勒降晉。勒愀然而嘯。張賓勸勒還北。勒欣然攘臂曰。賓計

是也。應宜斬。明其性怯。可退為將軍。御覽三百九十二。又四百九十九。

石勒十四年五月。飛蝗穿地而生。二十日。化如蠶。七八月。當作日引當作作蚘。當作蚘。兩。蚘當作飛。類聚引

日作蟲。四則飛。周遍河朔。百草無遺。唯不食三豆及麻。開元占經百二。類聚一百。

後石率精騎五千襲邵續。一戰生擒。續於青邱。鉗頸。拳手於襄國。青陽城門。頓首稱囚。御覽六百四十四。

前石原作劉。囉誤。召構殿巧手三千人。發陽平等十郡車牛五千乘。運土築建德殿臺。取土城西南墉內。得圓

石。狀若水碓。其銘曰。律權一作推。石重四鈞。上有文曰。同律度量衡。有辛氏所造。議者未之詳。或以為瑞。

參軍續咸曰。王莽時物。書鈔百十二。御覽十六。又五十一。又百七十五。

黎陽民陳武妻。產三男一女。勒賜乳母穀帛。以為休詳。御覽二百一十一。

國豐市五日一市。御覽八百二十七。

前石數出遊獵。每亟馳騁。主簿程琅諫。前石馳逐自若。草間有瓦木。馳馬觸之。馬即死。前石亦危殆。體小

不穩。還宮歎曰。程琅忠臣也。不用其言。吾之不善。追之何及。御覽四百五十四。按。惟此明標。田融。趙書。餘祇稱趙書。未標名。

劉曜攻石勒。將戰。曜飲乘醉。乘大赤馬。無故躑躅不可近。於是退赤馬。及合陣。敗走。曜體素壯。馬小不勝。

陷冰。為石堪所擒也。御覽六十八。

佛圖澄亦謂必擒劉曜。前石有佛圖澄。號曰大和尚。常乘板輦於大水上。書鈔百四十。

太和二年正月。具禮樂朝羣后。侍郎邵恭執麾不降。常侍哇洪執義不彈。皆下理官。書鈔百二十。

石虎等破劉曜子熙於上邽。獲馬二百疋。赤罽金銀步叉弓韃三十具。書鈔百二十六。御覽三百五十六。

表憲撰三正東耕儀。書鈔百二十七。又百二十九。

東耕儀。直殿中監鋪席於侍臣之南。北面。解匣出御耒。跪授黃門侍中。侍中釋劍。擊跽以穎授尊。太常讚

曰。皇帝親耕藉田。一推一反。三推三反。成禮。侍中跽取耒與侍郎。以授殿中監。監復韜匣。御覽八百二十二。

中書令徐光奏請。一作。以東耕。一作。儀親耕。改服宜服介幘青縑袴褶。書鈔百二十七。又百二十九。御覽六百九十五。又八百十八。

徐光字秀武。頓邱人。父以牛醫爲業。光年十四五爲將軍王陽秣馬。光但書馬柳柱。繫馬屋柱爲詩。頌不親

馬事。類聚五十六。御覽□□。

皇后出蠶。乘羽蓋金華車。書鈔百四十。

前石時。暴風雷雨霹靂。震臺壞署。婦人震死。瘞之三日。重霹靂出之。御覽八百七十六。

石勒時。斷寒食。忽暴風霹靂雷雨。大者如彈丸。平地水深三尺。勒大驚。復令民寒食如故。書鈔百四十三。

前石臨安縣馬生角在耳。長有七寸。搖之則動。占經百十八。

前石時。安定太守邵琨上言。蛇與鼠鬪於門中。而蛇自死。同上百二十。

前石時。淳觚白羌婦人產卵大如孟。剖之。有蟲如巨蟻。二足立行。御覽九百四十四。

前石時。有石隕魏郡鄴縣東北六十里間。罷地。初有黑黃雲如幕。長數十疋。交酉。載記作交錯。聲如雷。霹靂墮

地。熱氣起連天。時左右有私鋤者。皆震疊。塵止。經視之。載記作土。猶帶熱。求覺。見有一石。方一尺。青色。而輕

撓之。音若落。載記作聲。十六。前石死。占經七十六。

前石死。調大臣子弟六十人爲挽郎。引錦一疋。御覽八百十五。

王洛生。石勒欲挫其權豪。洛生在獄。自刺腹。深五寸。洛生肥盛。不陷中。重以刀潰其腹。出胃而死。御覽三百七十八。

石肇前石之昆弟也。前石既貴，肇在軍中，不能自達。人送詣前石，前石哀之，拜建威將軍。以肇無才力，每高選參佐輔之，爲聘廣川劉典女。肇甚懼之，拜長樂太守。治官每入門，動稱阿劉，可爾不可爾。時人以爲

嗤謠。御覽四百九十九

石勒參軍周延。一作承，一作雅。爲館陶令，盜斷。一作官絹數百疋，下獄，以八座議宥之。後每設大會，使與俳兒一作優。

著介幘黃絹單衣，優問延曰：汝爲何官？在我俳一作輩中，答曰：我本爲館陶令，計二十三三字一作斗數。一作單

衣曰：政坐取耳。一作是。故入汝俳中，以爲大笑。類聚八十五，書鈔百十二，御覽五百六十九，又六百九十一。

石勒使王述煮鹽於角飛。水經注九，此引作趙訊。按。

石虎字季龍，勒從弟也。征伐每斬將，擐旗勒死，誅勒諸兒，襲位。世說注一。

將軍張珍。載記作彌。領郡縣民丁萬人，徙洛陽六鐘、鐘簾、九龍、翁仲、銅駝、飛廉鐘一，沒盟津中。御覽五百七十五。

石虎造庭燎於橦末，高十丈，上盤置燎，下盤安人，以待燎。絙繳上下。類聚八十，御覽八百七十。

石虎聘崔氏爲夫人，無寵。所愛鄭夫人有百日女病，謂崔誤與藥，以告後石。虎作威問之，崔言外舍見小

子，以少唾其容作祟，非藥也。後石乃射之一箭，通中而死。御覽三百八十七。

從幽州大道滹沱河造浮橋，植行榆五十里，置行宮。類聚八十八，御覽九百五十六。

臨元侯崔約，字道恭，與太子詹事羯孫珍朝會，珍患目痛，問約用何方治爲佳。約戲言唯溺取愈。珍曰：目

何可溺。約曰：卿目眊眊，止可溺中。珍入奏，天子怒，約父子伏誅。御覽六百四十五

後石造獵車千乘，轅長三尺。御覽七百七十五

石虎子韜，以琉璃爵、螺杯、勸客酒。御覽七百六十

石虎建武十四年，東南卒有雲黑，稍分爲三正，又貫日，日沒後分爲七枚，相去數十丈，其間有白雲如魚

鱗。虎子韜曰：當有刺客，後果爲太子宣所殺。御覽八百七十七

前石有佛圖澄，號曰大和尚，道法大行，建武末卒，葬於鄴西紫陌，先造生墓，已數年矣。書鈔九十二、五、御覽百九十五

宣咸卒後五年，石虎夢見咸，涕泗囑其子奮，虎曰：非心慮所達。當是速字也通夢之言，信而有徵，奮今何在？左

右對曰：爲趙郡守，於是卽擢廷尉爲太常，才力不及父，因咸夢而登列卿也。太平廣記二百七十六

冉閔攻石遵，遵方與女子彈碁，兵至，殺之。御覽七百四十四

燕人龐世爲光祿勳，奏案豪強苛剋，人物咸懼疾之，及卒，門無弔客，時人爲之謠曰：龐家之巷，車馬鱗鱗，

泥丸之日，門無弔賓，弔賓不來何所因，由性苛剋寡所親。御覽四百六十五





吳篤趙書

石勒建平二年大宛獻珊瑚、琉璃、毳毼、白疊。御覽八百二十  
惟云大宛使獻其方物。按載記



# 王度二石傳

## 石勒傳

石勒字世龍。上黨武鄉人。匈奴之苗裔也。雄勇好騎射。晉永康中。流宕山東。寄旅平原。在平界。與平原在平人師歡家庸耕。耳恆聞鼓角鞞鐸之音。勒私異之。以上亦見御覽三百三十八。又初勒鄉里原上。地中生石日長。類鐵騎之象。園一作國。中生人參葩。或作藟。字詰藟。古花字。葉甚盛。於時父老相者皆云。此胡體貌奇異。有大志量。其終不可知。勒邑人厚遇之。自園中以下亦見御覽九百九十一。人多哂而不信。永嘉初。豪傑並起。與胡王陽等十八騎。詣汲桑爲左前督。桑敗。共推勒爲主。攻下州縣。都於襄國。世說新語注四。勒稱趙王。令武鄉耆舊赴襄國。拜李陽參軍都尉。勒微時。居與邑人李陽相近。陽性剛愎。每輕勒。與爭漚麻池。共相打撲。互有勝負。御覽四百九十。六引作勒別傳。

冬十一月大雪。平地三尺。勒主簿程朗諫勒不從。出獵墜馬。顧左右曰。不從主簿之言。而致墜馬。賜朗絹百疋。以旌忠亮。御覽八百三十二。

以咸和三年。改元曰太和。在平民。當作令。師權上黑兔。令曰。按記應白兔爲瑞。此黑兔曰祥。外檢典舊。議者以爲黑兔見。水德之祥。往公孫臣以爲漢家土行。當有黃龍爲瑞。後黃龍見於成紀。遂從土德。今大趙

革命以水受金。夫兔陰獸。玄水色。黑色見以表應行。以推之。黑兔上應。云云。類聚九十九。

後僭正號。世說注四。

死。謚明皇帝。世說注四。

### 石虎傳

石虎字季龍。勒從弟。年十七八。身長七尺五寸。好弓馬射獵。迅健有勇力。同時等類。多畏憚之。御覽三百八十六引。

作石虎別傳。

武鄉長城縣民韓強。在長城縣西山巖石闕中。二字一作問。得玄璽一所。方四寸。厚二寸。與璽同。文曰。受命於

天。既壽永昌。虎以為瑞。御覽六百八十二引。作石虎別傳。書鈔百三十一。誤作石勒別傳。

十三年。永和三年。春二月。虎率三公九卿。躬耕藉田。后率三夫人命婦。祠先蠶於近郊。是歲八月。雨雪。

大寒。行旅凍死。御覽三十四引。作石虎別傳。

王度二石僞事。附

劉曜躬領將士二十七萬衆。大舉征勒。勒養子生為衛將軍。領三千人。鎮洛金墉城。曜攻生城。不能下。不

覺。勒軍卒至。天曉。曜軍當攻金墉城。勒軍入。正與曜軍相遇。即交戰。曜軍大破。登時生擒曜身。御覽三百二十六。

石虎建康二年。遷都鄴宮。照一大鏡。不見頭。書鈔百三十六。按此引作三石遺事。

郭權降石虎。虎問權曰：卿若得吾者，當殺否？權曰：若當時得至尊，必殺不疑也。虎曰：卿健將也，因與共言事。御覽二百七十五

石虎攻中山，得鄭略之妹爲妻，至相敬待。下闕無兒，鄭復生男，崔求養，鄭不許。一月卒病死，鄭讒崔，謂妾多養胡子。虎時踞胡牀於庭中，大怒，索弓箭，崔聞欲殺之，徒跳至虎前曰：公勿枉殺妾，乞聽妾言。虎不聽，但言促還坐，無預卿。崔便去來，未至，虎於後射之，中腰而覆。御覽三百七十一

佛圖澄死時，衆官皆殯，斂以澄生所持一作金錫杖、銀鉢、孟、內著棺中，爲其埋石作椁。葬畢經年，冉閔後

故發椁，開棺視之，不見體骨處所，唯見杖鉢存焉。御覽五百五十二，又七百十，書鈔百三十三引略，又作三石遺事。

石混虎小降，說鄴中有鳳皇，將九雛，在延明門外道西。御覽九百十五

石混說：建武十四年，忽有爛馬一匹，有四目，倚著殿中，十餘日突去，不知所在。占經一百十六



# 范亨燕書

## 高祖武宣皇帝紀

高祖慕容廆。少有大度。雄略傑出。晉安北將軍張華。雅有人鑒。鎮薊總御諸部。高祖弱冠往見。華甚異之。謂高祖曰。君必爲命世之器。匡時濟難者也。脫所著幘簪以遺高祖。結殷勤而別。御覽四百七十八。又六百八十八。

廆。秦始五年生。年十五。父單于涉歸卒。通鑑晉紀考異三。

太康四年。慕容涉歸卒。弟刪載記纂立。同耐

刪謀殺廆。廆亡。國人殺刪。迎廆立之。高祖廆年十五。出避難。追者急。走避民家。入其屋。以席自障。追者入

屋發視。無所見。遂免。御覽七。百九。

太安元年。素怒延圍廆於棘城。遂出擊。大破之。通鑑晉紀攷異六。按。載記作素延。而云燕晉紀傳皆謂素怒。延。燕傳則不知何人。

晉室大亂。高祖二字疑係瑯邪之誤方經略江東。高翔說高祖曰。自王公政錯。士人失望。襁負歸公者。動有萬數。今

王氏敗沒。而福星見尾箕。其兆可見也。今晉室雖衰。人心未變。宜遣貢使江東。亦有所尊。然後仗義聲以

掃不庭。可以有辭於天下。高祖深納焉。御覽四百六十二。

破鮮卑。宇文部。獲皇帝玉璽。使裴嶷送建鄴。以獻捷。裴嶷至自建鄴。大興四年。以慕容廆爲車騎大將軍。



平州刺史。通鑑晉紀  
攷異十三

太寧三年石勒使乞得歸來伐。庾遣世子銑擊之。以仁爲左翼。乞得歸拒銑。遣兄子悉拔雄拒仁。同上十五

太祖文明皇帝紀

咸康四年四月石虎至燕城下。會鄴使至云太子邃在後恣酒入宮殺害石主大恐狼狽引還。通鑑晉紀  
攷異十七

初帳下吳胄使鄴還說四月浴佛日行像詣宮石太子邃騎出迎像往來馳騁無有儲君體王曰古者觀

威儀以定禍福此子虎之副貳而輕佻無禮將不得其死然及石主東歸留邃監國荒敗內亂以致誅戮

同上

咸康六年燕王銑襲趙略燕范陽二郡男女數千口而還。通鑑晉紀攷異十八載  
記作掠徙幽冀三萬餘戶

太祖銑八年咸康七年使楊裕唐柱等築龍城立門闕宮殿廟園藉田後遂改爲龍城縣。御覽百九十二

建元二年八月銑遣世子儁帥前軍帥評等擊代。通鑑晉紀攷異十九  
按載記未記此事

建元二年銑伐宇文逸豆歸遣南羅大涉夜干載記作涉逆戰。同上

烈祖景昭皇帝紀

永和五年趙亂四月集兵二十餘萬爲進取之計。通鑑晉紀  
攷異二十

永和八年三月己酉冉閔殺劉顯及其公卿已下百餘人。同上二十一

冉閔妻得璽以獻。因以永和八年僭卽皇帝位。建元曰元璽。元璽元年。蔣幹遣侍中繆嵩。太子詹事劉猗一作猗。賈傳國璽。詣晉求救。猗負璽欲亡匿。私行數里。忽黃霧四塞。迷路一作荒。不得進。乃復故道還。易取

行璽始得去。書鈔百三十一。事類賦注。御覽十五。又六百八十。

壽光二年。升平二年。十二月。晉荀苋寇泰山。殺太守賈堅。通鑑晉紀攷。異二十二。

### 少帝紀

興寧初。暉使慕容評寇許昌。懸瓠。陳城並陷之。遂略汝南諸郡。興寧元年。汝南太守朱黎晉紀作朱斌襲許昌。

克之。通鑑晉紀攷。異二十三。

太和四年。此年十二月。王猛攻洛陽。明年正月。拔洛。同上。十四。

王猛與慕容評相遇於潞川也。評鞞固山泉。鬻水與軍人。絹匹水二石。水經注。十。

### 世祖成武皇帝紀

建興十年。慕容寶自河而還。軍敗於參合。死者六萬人。十一年。垂衆北至參合。見積骸如山。設策弔之。死者父兄皆號泣。六軍哀慟。垂慙憤嘔血。因而寢疾焉。羣過平城北四十里。疾篤。築燕昌城而還。水經注。十三。

### 獻莊皇帝紀

慕容令垂世子。載記作全。之奔還鄴。建熙元當作十一年二月也。通鑑晉紀攷。異二十四。

烈宗惠愍皇帝紀

愍帝時有異爵素質綠首集於端門東園樹栖翔二旬而去夏四月以異爵故大赦名東園曰白爵園類聚

九十九御覽八百二十四按載記作昭武時事

中宗昭武皇帝紀

秋七月丁卯昭武帝營新殿昌黎大棘城縣河岸崩出鐵築頭一千一一作百七十四枚永樂民郭陵見之詣闕言狀以是日到詔曰經始崇殿而築具出人神允協之應也賜陵爵關外侯御覽百七十五又七百六十二

昭文皇帝紀

文帝熙平二年左部民得玉璽玉鼎御覽八百四

昭文帝時左部民得紫璧以獻同上八五六

慕容仁傳

從世子銑擊乞得歸歸遣兄子悉拔堆拒仁仁擊悉拔堆紀作斬之通鑑晉紀攷異十五

慕容翰傳

翰嘗臨陣為流矢所中病臥歲時不出久後漸差試馬或告稱翰病而私習騎乘疑欲為變乃賜翰死通鑑

晉紀攷異十九

慕容恪傳

慕容恪之威聲震於外敵。初，烈祖崩，晉人喜曰：「中原可圖矣。」桓温曰：「慕容恪尚存，所憂方重耳。」御覽四百六十九

王誕傳

初，王誕亡歸李臻，說臻討王浚。臻遣其子咸李洪傳作咸擊之。龐本與臻有隙，乘虛襲殺臻，遣人殺咸。誕亡歸

慕容廆。通鑑晉紀攷異九

周存傳

周存字道名，上谷漁陽人。王彭祖叛，母遇寇，流離失所。時在分崩，州郡隔異，存冒難尋求。自河北無不周遍，存亡無問。後傳在昌黎，而時已屬段氏。昌黎土地，燕之所統，存徑投高祖。高祖客之，爲置酒於坐，問存君失母來幾年，相見當識否。高祖言音未止，存涕泗覆面，尋聲而對，辭甚悲酸。舉坐莫不慷慨。高祖亦爲之動容。由是意遇倍加，存停葦年，不得母問，將辭歸。高祖意欲留之，而未顯也。存覺微旨，陳謝曰：「聶政荆軻刺客之流，意氣之激，顧甘死奉韓。今明公無求於徵用，而見接以國士，應終身奉給，以答厚恩。然老母未審存亡，弟小無所依倚，寢食未敢廢心。昔徐庶指方寸以求辭，今存披肝以表情，願明公恕之。」高祖矜而聽去。御覽四百十三

慕輿根傳

慕輿根善射。嘗從行獵。有一野羊。立於懸崖。太祖命左右射之。莫有中者。根自募求射之。一發而中。御覽七百四十四

宋該傳

宋該字宜恆。一作宜弘。弘又作孔。為左一作右長史。太祖會羣僚。以該性貪。故賜布百餘疋。負而歸。重不能勝。乃至僵頓。以媿辱之。類聚八十五。御覽四百九十二。又八百二十。

李洪傳

李臻遣其子成。王誕傳作咸。擊王浚。通鑑晉紀攷異九。

申弼傳

烈祖常從容問諸侍臣曰。夫口以下動。乃能制物。鐵鑽為用。亦噬嗑之意。而從上下何也。弼答曰。口之下動。上使下也。鐵鑽之用。上斬下也。烈祖稱善。御覽三百六十七。

賈堅傳

賈堅字世固。彎弓三石餘。烈祖以堅善射。故親試之。乃取二牛。置百步上。召堅使射。曰。能中之乎。堅曰。少壯之時。能令不中。今已老年。正可中之。恪大笑。射發。一矢拂脊。再發。一矢摩腹背。附膚落毛。上下如一。恪曰。復能中乎。堅曰。所貴者以不中為奇。中之何難。一發中之。堅時年六十餘矣。觀者咸服其妙。御覽七百四十四。

烈祖問堅年對以受新命始及三載。堅本冉閔章武太守永和七年爲慕容評所擒烈祖悅其言拜樂陵太守。通鑑晉紀攷異二十一

### 梁琛傳

梁琛使秦琛從兄奔先在秦爲尙書郎會罷秦主欲令琛止奔舍琛語有司曰昔諸葛亮兄弟各處三國及其聘集公朝相見退無私面君子之志余敢忘乎竟不詣奔奔數就邸舍因問東國起居琛曰今二方鼎據兄弟並蒙附寵論心各有所在。今欲以東國事語君恐非西國之所欲聞何以見問。類聚四十二御覽四百二十九

### 孟高傳

孟高字宏義長壯有雄姿慕容暉卽位左遷衛將軍出避難將向龍都禁衛四散唯高及殿中將艾郎等千餘騎從行達福祿逢賊高獨力戰賊射殺之。御覽四百十七

### 皇甫真傳

皇甫真字楚季安定朝那人也從輔國恪討擒冉閔卽南圍拔鄴鄴石氏舊都城內珍玩寶貨充溢真無所取唯存恤人物收斂圖籍真上疏曰臣輒以家奴婢五十口馬七疋牛四十頭以助軍資。御覽四百二十六奏遣郭辯從匈奴使詣鄴觀隙真覺其姦白暉請詰之評不許太和二年燕建熙八年皇甫真爲太尉郭辯至燕。通鑑晉紀攷異二十三

鄴城失守。秦主初入。臨前殿。羸臣數百人。皆集東掖門。見侍中王猛來。真等望馬首拜之。明日更見。真乃卿猛。猛曰。昨拜朝卿。何恭慢之相違。真答曰。卿昨爲賊。朝是國士。吾宜拜賊而卿國士。亦何所怪也。猛嘉之。御覽五百四十二。

鮮于休傳

鮮于休有才器。伎幹。辟爲左光祿大夫曹屬。御覽二百四十九。

羅騰傳

羅騰字叔龍。工園碁。究盡其妙。獨步當時。俄而右北平樂抄少雋出。與齊焉。覽御七百五十三。

公孫鳳傳

公孫鳳上谷人。少帝建熙六年。隱於昌黎之域。二字一作九城。冬。衣單布。寢於土牀上。夏則併滄茹於一器。停使蛆臭。然後乃食。人咸異之。莫能測也。御覽七百四十八。又八百四十三。引作孫鳳。

車頻秦書

苻堅字永固。武都氏人也。本姓蒲。祖父洪。詐稱讖文。改曰符。言己當王。應符命也。世說注四

苻堅母苟氏。浴漳水。經西門豹祠。歸夜夢。若有龍蛇感己。遂懷孕而生堅。御覽三百六十

堅初生。有赤光流其室。及誕。肩背有赤色。隱起。狀若篆文。曰草付之祥。因為苻氏。世說注四。御覽三百六十九。又三百七十一。

幼有美度。石虎司隸徐統一作正。名知人。堅六歲時。嘗戲於路。統見而異焉。問曰。苻郎。此官街。小兒行戲。

不畏縛邪。堅曰。吏縛有罪。不縛小兒。統謂左右曰。此兒有王霸相。左右曰。此兒狀貌甚醜。而君以為相貴。

異何也。統曰。非爾等所及知也。世說注四。御覽三百八十二。

石氏亂。伯父健。及父雄。西入關。堅時年十二。未有軍號。健夢有天神。遣使者朱衣武冠。拜肩頭為龍驤將

軍。肩頭。堅小字也。健即拜為龍驤將軍。以應神命。世說注四。書鈔。御覽二百三十九。

後健僭帝號。死。子生立。凶暴。羣臣殺之而立堅。世說注四。

苻生壽光三年二月。太白犯東井。太史奏曰。必有暴兵。生曰。星入井者。必將渴耳。何怪也。時長安謠曰。百

里望空城。蔚蔚何青青。瞎兒不知法。仰目不見星。其年苻法殺生而堅代立。是其應也。開元占經五十。

堅立時。有黃雲五色。迴繞臺觀。時以景雲瑞。賜民酺五日。類聚九十八。御覽八。



苻堅欲赦。與王猛苻融議甘露堂。悉屏左右。堅親爲赦文。有大蒼蠅集於筆端。驅而復來。俄而長安街巷人相告曰。官今大赦。有司以聞。堅驚曰。禁中無屬耳之垣。事何從泄也。敕窮之。咸言有一小兒。衣青衣。大呼於市曰。官今大赦。須臾不見。堅歎曰。其向蒼蠅乎。御覽九百四十四

王猛攻鄴。慕容評拒猛。而恆賣水與軍人。衆思爲亂。猛因得破一作之。類聚八。覽御八百二十八。

苻堅建元六年。四月。天苑有大星。色甚白。占者以爲太平之祥。乃立望氣臺於宮左。冬十一月。平燕國。擒

慕容暉。占經七十七。

初。慕容暉在鄴。居石虎宮。夢虎齧其臂。募人求虎殞所在。女子李免告暉。在東明觀下掘得之。屍僵不毀。暉裸而罵之曰。死胡敢夢生天子。鞭撻毀辱。投之漳河。河流迅疾。終不移轉。暉後爲臣虎所執。乃悟而悔焉。苻堅以李免無狀。無少長悉坑之。御覽五百四十九。

苻堅幸太學。以周官禮注無師。以太常韋逞母宋氏。傳其父業。使生徒就宋授業焉。太常居家。雖流移苦寒。常自負周官。終不敢捨。書鈔百一。按此引作車盾。秦書。

苻堅時。關隴乂安。百姓豐樂。民歌之曰。長安大街。兩邊種槐。下走朱輪。上有鸞栖。類聚十九。御覽九百十六。

建元八年五月。遣少弟陽平公融鎮鄴。停灞東。苟太后以融少子。憂甚。比發。三出送之。垂引夜竊往。內外莫知。太史令魏述奏。天市南門內。有后妃移動之象。堅檢而知之。驚曰。天道與人。何其不遠。遂重星占。占

苻堅建元九年四月有客星出尾箕長十餘丈狀如彗而末曲或名蚩尤旗拂於東井自夏及冬不滅太

史令張益孟光載記作張孟奏彗起尾箕尾箕燕分而掃東井東井秦分燕首尾亂於秦東胡鮮卑歷世稱燕

今慕容暉父子兄弟亡處而不報聖朝職爵鱗次執權乘勢馳輪躍馬貴榮莫與為二宜小抑退除其渠

帥夫蝮蛇螫手壯夫解腕玄像告兆事應無差堅不納後慕容氏遂稱王於燕地占經八十九

以安車徵隱士樂陵王勸為國子祭酒苻堅徵隱士張巨和至長安賜以冠衣和以禿辭御覽七百四十七

苻堅時沙門竺僧朗嘗從隱士張巨和遊巨和嘗穴居而朗居琨瑞山大起殿舍連樓疊閣雖素飾不同

並以靜外致稱水經注八

建元十五年遣長樂公丕攻沒襄陽世說注四

苟萇圍襄陽作飛雲梯一作車以攻城剋之書鈔六按書鈔引作車類秦書

先是苻堅建元十二年高陸縣民穿井得龜大二尺六寸背文負八卦古字堅藏之太卜因而六字依占經百二十

補以石為池養之十六年而死取其骨以問吉凶名為客龜太卜佐高虜一作魯夢客龜言我將歸江南不

遇死於秦高於夢中自解曰龜三萬六千歲而終終必亡國之徵也為謝玄破於淮肥自縊新城浮圖中

秦祚因即淪矣水經注十九

堅平諸國之後示人以侈。苻堅時有申香長十尺以上為拂蓋郎。御覽三百七十七

苻堅時西域獻翠鳥四頭。雄雌各二。以籠盛之。月餘並死。同上九百二十四

苻堅時四夷賓服。湊集關中。四方種人皆奇貌異色。晉人為之題目。謂胡人為側鼻。東夷為廣面闊額。北

狄為匡腳面。南蠻為腫蹄。方方以類名也。同上三百六十三

苻堅建元十八年。新平縣民耕地獲玉器。初有金彫。載記作新平王彫者。頗知圖記。王猛以為左道。勸堅誅之。彫

臨死表堅曰。新平地古顛頊墟。其故里有白雞。閭記言此里應出古帝王寶器。至是果得之。御覽七百五十六

苻堅建元十八年。新羅國王樓寒遣使衛頭獻美女。國在百濟東。其人多美髮。髮長丈餘。御覽三百七十三又七百八十

一

苻堅時新羅國王樓寒遣使衛頭朝貢。堅曰。卿言海東之事與古不同。何也。答曰。亦猶中國時代變革。名

號改易。同上七百八十一

苻堅使熊逸造金銀細鏤鎧。金為縷。音縷。初學記二十二。御覽三百五十五。

建元十九年。大興師伐晉。衆號百萬。水陸俱進。次於項城。自項城至長安。連旗千里。首尾不絕。乃遣告晉

曰。已為晉君於長安城中。建廣夏之室。今故大舉渡江相迎。克日入宅也。世說注四。

徵處士王嘉於到獸山。王嘉在東陳陽谷口。鑿岸為穴而居之。諸有從其學者。人各一穴。遂至百穴。文苑

四葉傳

慕容垂復圍鄴。百姓不得復田。民以桑椹爲糧。相噉略盡。御覽九百七十三

釋道安爲慕容俊所掠。欲投襄陽。行至新野。集衆議曰。今遭凶年。不依國主。則法事難舉。乃分僧衆。使竺

法汰詣揚州。曰。彼多君子。上勝可投。法汰遂渡江。至揚土焉。世說注六

尙書令苻雅爲人樂施。乞人填門。嘗曰。天下物何常。吾今日富。後日貧耳。忽一日不施。則意不泰。時人爲

之語曰。不爲權翼富。寧作苻雅貧。御覽四百八十七

苻登。堅族曾孫。堅死。登自立。皆刻兜。整作死休字。示士以必死爲度。故戰所向無前。御覽三百五十六。書鈔百二十一。引作

車穎  
秦書

苻登率萬人。直到姚萇營下。同聲向哭。哀號動地。萇心惡之。與其衆議。亦哭相應。御覽四百八十七

萇以登立。堅神主於軍中。頻戰輒勝。亦於軍中立堅神象。以請福。姚萇自爲堅神像。戰未有利。軍中士衆

出入並驚恐。皆云畏苻主像。萇嚴鼓斬之。以首送苻登。御覽三百九十六



王景暉南燕書

姚秦皇初三年歲在丁酉於長安渭濱得赤璽上有文字曰天命燕德初學記六十八書鈔百五十八



# 裴景仁秦記

苻洪之先居武都。家生蒲。長五丈。節狀如竹。咸以異之。謂之蒲家。因以氏焉。洪後以讖文草付應王。遂改姓爲苻。類聚八十二。御覽九百九十九。

苻健至長安。賈玄等上尊號。依舊儀。立百官。設壇城南。於渭水之陽。初學記六。引作裴景仁秦書。書鈔百五十八。引作苻書。

苻健皇始元年。晉梁州刺史司馬勳入秦州。獲尙書趙琨。殺而棄其尸。琨子煥求父尸不得。乃悲號不已。

俄有羣鳥悲鳴。從山而來。來而復反。尋鳥向山。乃得父尸。御覽四。百十一。

苻健皇始四年。新平縣有長人見。語百姓。二字一作民。張靖曰。苻氏應天受命。今當太平。新平令以聞。健以爲

妖妄。下靖獄。是月。會大雨霖。河渭溢。蒲坂津監寇登於河中。得隻屐。長七尺二寸。一作三寸。稱履五指長尺餘。

指尺。一作文。深一寸。登以獻。健嘆曰。覆載之中。何所不有。張靖所見。定不虛也。因赦靖。書鈔百三十六。御覽六百九十八。

苻健皇始四年冬。山雞來入人家。栖宿養子而去。羣聚傍渭水而遊翔。與家雞無異。初學記六。書鈔百五十八。

苻健皇始五年。鳳皇降渭濱杜陵南原。三日而去。御覽五十七。

苻堅祖洪。見堅狀貌。欲令頭堅腹軟。字之曰堅頭。類聚十七。御覽三百六十四。

苻堅幸太學。問博士經典。博士盧壺對曰。周官禮注。未有其師。永固。堅字。以太常韋逞母宋氏。傳其父業。



得周官音義。自非此母無可授後。堅一作生於是就宋立溝室書堂。生徒百二十人。隔絳紗幔而授業焉。拜

宋爵號宣文君。賜侍婢十人。初學記十八。御覽四百四。按二書皆引作裴景仁。前秦記類聚六十九引作秦記。書鈔百三十二。

苻堅討姚萇於北地。斷其運水之路。人有渴死者。俄而降雨於萇營。營中水深三尺。周營百步之外。寸餘

而已。於是萇軍大振。堅方風撫盤而詬曰。天其無心。何故降澤賊營。史通六引裴景仁秦記。稱苻堅方食撫盤而詬。

初長安謠云。鳳皇鳳皇止阿房。苻堅遂於阿房城植桐數萬株以待之。其後慕容冲入阿房城而止焉。冲

小字鳳皇。類聚八十八。事類賦注二十五。御覽九百五十六。按此皆引作秦記。

謝玄進據彭城。淮陰太守高素伐青州。朗為青州降。苻朗字元達。堅從兄。性宏放。神氣爽悟。堅常曰。吾

家千里駒也。堅為慕容冲所圍。朗降謝玄。用為員外散騎侍郎。吏部郎王忱與兄國寶命駕詣之。沙門法

汰問朗曰。見王吏部兄弟未。朗曰。非一狗面人心。又一人面狗心者是耶。忱醜而才。國寶美而狠。故也。苻

朗渡江。嘗與朝士宴集。時賢並用唾壺。一作並。機。聲壺。席。朗欲夸之。唾則令小兒跪而張口。就唾而舍出。坐者以

為不及之遠矣。自渡江以下。依御覽。三百八十七引按補。又善識味。會稽王道子為設精饌。訖。問關中之食。孰若於此。朗曰。皆

好。唯鹽味小生。即問宰夫。如其言。或人殺雞以食之。朗曰。此雞棲恆半露。問之亦驗。又食鵝炙。知白黑一作

黑之處。人不信。既而咸試而記之。果然無毫釐之差。食鵝炙以下。亦見類聚九十一。御覽九百十九。御覽苻朗誤作苻殷。著苻子數十篇。蓋

老莊之流也。朗矜高忤物。不容於世。後衆讒而殺之。世說主七

姚萇圍苻堅。遣僕射尹緯詣闕陳事。堅見緯貌魁梧，志氣秀傑，腰帶十圍，瑰偉異常，驚而問曰：卿於朕世何所爲作？緯答曰：尙書令史堅笑曰：卿宰相才也。御覽三百七十七

呂光破龜茲，始獲鳩摩羅什，光死，子纘立，戲弄鳩摩羅什，或共碁博，及殺子，云斫胡奴頭，什曰：不斫胡奴頭，其胡奴斫人頭。後纘弟越當作超字胡奴，果斫纘頭。御覽七百五十四



# 姚和都後秦記

姚襄垂臂過膝

御覽三百六十九

姚襄遣參軍薛瓚使桓溫。溫以胡戲瓚。瓚曰：在北曰狐，在南曰貉，何所問也。

同上九百九

魏武王姚襄禮待楊亮，亮奔桓溫。溫問亮曰：襄何如人？答曰：天下傑也。神明器度，故是孫策之儔。而雄武

過之。

御覽四百四十六

姚襄將與苻廣眉戰，謂將軍王欽盧曰：吾數行，常有異光引吾前，狀如導軀。

俗軀字當作驅

數日來忽復不見，意

惡之。此何祥也？欽盧不對，卽與眉戰，死於陳。

占經九十九

姚萇以太元九年稱秦王，以狄伯奇爲從事中郎。狄伯奇少曾遊獵，得豹，見其文采炳煥，遂自感歎，始學

書藝。

御覽八百九十二

姚萇大破苻登，置酒高會，諸將各曰：若值魏武王，尋破此賊，陛下將牢大過。上歎曰：吾不如亡兄者四，身

長八尺五寸，垂臂過膝，人望而畏之。一也。當十萬之衆，與天下爭衡，望塵直突，前無橫陣。二也。究覽古今，

講論道藝，駕御羣賢，收羅雋異。三也。總領大衆，經履險難，大小悅稱，人盡死力。四不如也。

御覽四百四十六

姚興種葱，皆化爲韭。其後兵戈日盛。

御覽九百七十七。按此引作後秦書。

後帝泓字元時東宮生邵宏言於父曰君之於臣先生之與其門人名之可也至於同官之於僚黨同姓之於昆弟同門之於朋友可以稱其字而不可斥其名故公羊傳曰名不如字者非謂其人之名不如其字尊乃謂爲人所字則近乎見尊爲人所名則近乎見卑也古之君子之名子也必以信義而擇其淑令所以祥其名也不以官職所以殊其名也不以畜幣所以重其名也不以隱疾所以顯其名也遍告內外所以昭其名也書而藏之所以寶其名也賤者避焉所以貴其名也冠而有字所以尊其名也名成乎禮字依乎名名字之本字名之末也爲本故尊爲末故卑尊故其禮詳卑故其事略也且婦人無名故賤於丈夫野人無名故賤於學士名者己之所以事尊尊者之所以命己字則己之所以接卑卑者之所以稱己未有用之於尊而爲卑用之於卑而爲尊者也

御覽三百六十二

事類賦注十一御覽五百八十二

姚泓永和元年天水冀石鼓鳴聞數百里野雉皆雊

張諮涼記

天錫字公純。安定烏氏人。張耳後也。曾祖軌。永嘉中爲涼州刺史。值京師大亂。遂據涼土。天錫篡位。自立爲涼州牧。苻堅使將姚萇攻沒涼州。天錫歸長安。堅以爲侍中。北部尙書歸義侯。從堅至壽陽。堅軍敗。遂南歸。拜散騎常侍。西平公。世說注二案此引作張資涼州記下同。

天錫明鑒穎發。英聲少著。同上。



# 喻歸西河記

姑臧。匈奴故日蓋藏城也。城不方。有頭尾兩翅。名蓋鳥城。初學記八。

西河無蠶桑。婦女著碧纈裙。上加細布裳。且爲戎狄性。著紫纈襦襖。以外國異色錦爲袴褶。御覽六百九十五。又八百

四十

涼州罪人於市。將刑。忽有一白雄雞。飛於人邊。請命。引頸長鳴。伏地向吏。驅之。去輒來。刺史張義免其坐。

同上九百十八。

張駿立謙光殿。成後。池中有五龍。晝日見。移時乃滅。水通變綠色。駿卽爲銅龍以厭之。駿卒不勝此殿。同上

九百三十。





段龜龍涼記

武王呂光字世明。以石氏建武四年生。夜有光輝。舉舍異之。因名光。年十歲。與諸兄弟於里巷闕軍戲。羣童咸推爲主。割土處中。部分爲五。鄉黨皆時所宗。御覽三百八十五

呂光字世明。連結豪賢。好施待士。身八尺四寸。目重瞳子。左肘生肉印。性沈重質略。寬大有度量。時人莫之識。唯王猛布衣時異之。曰。此非凡人。同上三百七十七

呂光左肘生肉印。及征西域。印內隱起文字。載記作左臂內脈起成字文。曰巨霸。同上三百六十九

呂光太安二年。龜茲國使至。獻寶貨奇珍。汗血馬。光臨正殿。設會文武博戲。同上七百五十四

呂光太安三年。白燕遊酒泉郡。黑燕列從。類聚九百二十二。御覽九百二十二。

呂光太安三年。白雀巢陽川。令蓋敏室。一作郭敏屋。類聚九十。御覽九百二十二。

呂光時。燉煌太守宋歆。獻同心之梨。初學記二十。類聚八十。御覽九百六十九。

呂光時。州人陳冲。一作平仲。得玉璽。廣。一作博。三寸長四寸。光澤直看無文字。向日視之。字在腹裏。有三十四字。

言光當王。書鈔百三十一。御覽六百八十二。

呂光時。張掖金澤有麟見。羣獸皆從。改年麟嘉。類聚九十八。

呂光時有任射者自匿為王欣家奴發覺應死射有奇巧王曰爾魯般之儔也故赦之涼風門及大殿歲久傾敗射運巧致思土木俱正御覽七百五十二

涼王呂光麟嘉二年以沮渠羅仇蒙遜伯父為西寧太守往年蝗蟲所到之處產子地中是月盡生或一頃二

頃覆地跳躍宿昔變異王乃躬臨撲蟲幸揚川豫水比大駕所到蟲尋殞盡是以麥苗損耗無幾類聚一百

呂光麟嘉五年疏勒王獻火浣布善舞馬御覽八百九十六

呂光幸天淵池時天清朗忽然起霧有五色雲在光上御覽十五

呂光龍飛二年太常郭摩反叛摩以箋書招誘楊軌推為盟主軌性直不慮摩之傾危西河太守程肇諫

軌曰將軍之與呂主可謂臭味是同今欲釋同心託異類背龍頭尋蛇尾非將軍之高算也御覽四百五十四

郭摩略地之際王孫光孫也八人年幼悉隨乳母先在東苑摩遂盡投王孫於鋒刃之上或枝分節解飲血

盟衆親者無不掩目寒心而摩意氣脩然御覽四百九十二

呂纂咸寧二年有盜胡安據等發張駿墓得白玉罇受三升玉笛紫玉簫以上亦見類聚四十四貞珠簾又八十三書鈔百一十一

箔一作白珠薄簾雲母屏風馬瑙鍾榼句亦見類聚八十四琉璃榼御覽五百八十一又七百六十一

咸寧二年發張駿陵得鞭飾以珊瑚初學記二十二

太常卿楊穎上疏諫呂纂飲酒過度出入無恆纂曰不有直亮之臣誰匡邪僻之君也纂雖有此言終不

能改。御覽四百五十四。

呂纂斬當作驍游獵。或馬奔溝塹之間。殿中侍御史王回控馬諫曰。陛下宜憶袁盎攬轡之言。初學記十八。

呂纂明光宮。在漸臺西。以金玉珠璣爲簾箔。書鈔百三十二。

隱王纂殺紹自立。諡紹爲隱王。張美人年色壯豔。出家爲道。呂隆超殺纂以讓隆。隆卽位。逼之。張自投門

樓。雙股頓折。口誦經。色自若。俄而死。御覽三百七十三。

溫子昇涼州樂歌。遠遊武威郡。遙望姑臧城。車馬相交錯。歌吹日縱橫。說郭案。子昇後魏人。初學記八引其樂歌。下有又歌曰。路出玉門

關城接龍城坂。但事茲歌樂。誰道山川遠。雖引晉書涼記。姑附以俟攷。

高昌僻土。有異於華。寒服冷水。暑啜關羅。關羅。讀若蛇皮。焚也。郡人呼粥也。說郭。

祁連山張掖酒泉二界之上。東西二百里。南北百餘里。山中冬溫夏涼。宜牧牛。乳酪濃好。夏寫酪。不用器

物。刈草著其上。不散。酥特好。酪一斛得升餘酥。又有仙人樹。行人山中飢渴者。輒食之。飽不得持去。平居

不可見。說郭。

有青鹽池。出鹽。正方半寸。其形似石。甚甜美。說郭。



劉昞燉煌實錄

晉安帝隆安元年涼州牧李暲微服出城逢虎道邊虎化爲人遙呼暲爲西涼君暲因彎弧待之又遙呼暲曰有事告汝無疑也暲知其異投弓於地人乃前曰燉煌空虛不是福地君之子孫王於西涼不如從

酒泉言訖乃失暲乃移都酒泉

御覽百六十五

宋質直破虜有威名兒啼恐之卽止虜相悲曰使汝行逢宋都督

同上二百七十九

王琴

白帖引作禁下有字孟會三字獨異志引琴作樊

卒有盜開琴冢者見琴與人樽蒲以與

一作

杯酒賜盜盜者惶怖既飲之見

有人牽銅馬出家者其夜有神至城門自言我是王孟會使也今有人發孟會冢以酒黑其脣明日入城有黑脣者是也但至可以驗而擒之須臾馬還流汗盜明詣城門不覺脣黑城門乃縛一作爲吏所縛詰之如神

言孟會琴之字

御覽三百六十八獨異志上白帖

童巽字子舉有才學太守京兆諒舉巽上掾歷主簿功曹諒卒官巽衰經送喪道遇寇虜衆皆散走巽身蔽柩哭嘔血賊欲破棺巽叩頭救請頭破流血賊義而釋之由是顯名御覽四百二十一

索苞有文武材舉孝廉除郎中每征伐剋敵勇冠三軍時人比之關羽宋澄於金城爲步羌三千人所圍窮守孤槌垂當破沒苞以完騎五千奮劍突陣徑入與澄對坐槌頭拊掌大笑羌皆佩楯擢刀四面直前

苞謂澄曰。君但安心。觀我擊之。乃除彊弓。按矢。繞墀射之。莫不應弦而倒。皆陷楯通中。立殺三十餘人。創夷者百計。羌即散走。稱神。同上四百三十七。

汜固字孔完。大將軍掾純之孫也。推家財百萬與寡弟婦。二百萬與孤兄子。於是三府競辟。皆不就。御覽五百

二十

索成一作宗。疑作伯夷。成善鼓箏者。悲歌能使喜者墮淚。改調易謳。能使戚者起舞。時人號曰雍門周。同上

五百七十六。書鈔百一十。

張存善鍼。存有奴。好逃亡。存宿行鍼。縮奴腳。欲使則鍼解之。同上八

侯瑾字子瑜。解鳥語。常出門。見白雀與翠雀同行。慨然歎曰。今天下大亂。君子小人相與雜。同上九百二十二。

索充夢一虜。脫上衣來詣充。索統占曰。虜去上半。下男字也。夷虜陰類。君妻當生男也。已後果驗。廣記二百七十六。

六

宋桶夢內中有一人。著赤衣。桶一手把兩杖。極打之。索統占曰。內中有人。是肉字也。兩杖。箸之象。極打。肉食也。過三日。過三家。皆得肉食矣。同上。

涼文王張駿。夢一人鬢眉皓白。自稱子瑜。曰。地上之事付汝。地下之事付我。王寤。問之。有侯子瑜先死。得

曾孫亮。為祁連令矣。同上。

漢靈帝熹平元年四月甲午蛇長六尺夜於御前當軒而見續漢志十七





# 張詮南燕書

慕容德以右僕射封嵩爲左僕射。尙書韓諱御覽作諱似誤爲右僕射。時嵩諱並年三十。又以嵩弟融爲西中郎將。諱弟軌爲東中郎將。嵩等俱拜。帝臨軒。詔令四人同入。嵩等升殿。方謝。帝顧曰。躍二龍於長衢。聘雙驥於千里。朝野榮之。初學記十一。御覽二百十一。

德將死。以超爲皇太子。超德兄北海王納之子。慕容納沈靜深邃。外訥內敏。御覽四百六十四。



# 高閭燕志

慕容熙造逍遙宮。初學記二十四。

光始五年春。慕容熙與苻后征高麗。至遼東。爲衝車馳道以攻之。御覽三百三十六。

李陵居長谷之東。先主與高雲遊獵往來。每憇其家。陵與其妻王氏。每夜自齋酒饌而至。御覽四百七十五。

馮跋太平十五年。自春不雨。至於五月。有司奏右部王苟妻產妖。傍人莫覺。俄而失之。乃暴苟妻於社。大

雨普洽。御覽十一。